

隨時觜螭龜蚌貝螺之異種虬蛇蛟螭狸豕之離
奇洵稱寶藏不測之府皆紛蕃詭誕而莫能知若
夫陽侯列陣江妃奮武風烈雷殷砂簌雲聚濤翻
駕電之輪浪拊靈鼉之鼓激潏潏湊湊以駭目涌汗
洗淠以肆怒隄岸於焉若撼客子於焉慄股斯又
塹險之巨浸爲蒞土者責永祐惟是

皇

清定鼎上聖下賢習坎向離括坤包乾旣河清而
海宴方祥集而瑞全文教丕播于海童豐功昭格

於水仙則江靈之効命以朝
宗固將配有夏而億萬斯年
劉思敬黃山賦

繫軒皇之

遠駕翔八鸞于奧區誕昭受夫靈貺啓玉簡之素
書驅日月爲爐炭養芽雪之元珠飈遐征于沖漠
遺刳灰以剡施其高者穿雲接漢深者瞰鰲柱之
六樞斷者隔離鳥道平者奔駟連虺虛而噉者虬
螭衛其洞府巉以矗者風霜拭爲幢爰導從則引
者隨者若瞻中峰而咸俯孤碗則藏者逸者又辭
衆美而傲居留古皇之色雖草昧不芟夏可雪冬
可花空凡塵之想卽徑路俱絕林可幕月可梯一
巖今一洞一峰今一溪振長纓以曠攬耀燭龍于
八隅凌景風而輕舉飄余珮之陸離緩曦轡使